



საქართველოს გაერთიანებული სახელმწიფოს მინისტრთა კაბინეტი

ბრძანება N 2-103

15/02/2022

ქ. თბილისი

„შპს „გუმი“-ს გაჯის წარმოებაზე გარემოზე ზემოქმედების ნებართვის გაცემის შესახებ“ საქართველოს გარემოსა და ბუნებრივი რესურსების დაცვის მინისტრის 2014 წლის 24 დეკემბრის N-802 ბრძანების ძალადაკარგულად გამოცხადების შესახებ

2022 წლის 14 იანვარს სამინისტროს მომართა შპს „გუმის“ გენერალურმა დირექტორმა და ითხოვა 2014 წლის 19 დეკემბერს გაცემული N60 ეკოლოგიური ექსპერტიზის დასკვნის გაუქმება.

2014 წელს საქართველოს გარემოსა და ბუნებრივი რესურსების დაცვის მინისტროს მიერ შპს „გუმის“ გაჯის წარმოებაზე (ქ. თბილისი, ქიზიყის ქ. N32) გაიცა N60 ეკოლოგიური ექსპერტიზის დასკვნა და გარემოზე ზემოქმედების ნებართვა.

შპს „გუმის“ განცხადებისა და „ზოგადი ადმინისტრაციული კოდექსის“ 61-ე მუხლის საფუძველზე,

ბ რ ძ ა ნ ე ბ:

1. ძალადაკარგულად გამოცხადდეს „შპს „გუმი“-ს გაჯის წარმოებაზე გარემოზე ზემოქმედების ნებართვის გაცემის შესახებ“ საქართველოს გარემოსა და ბუნებრივი რესურსების დაცვის მინისტრის 2014 წლის 24 დეკემბრის N-802 ბრძანება;
2. ამ ბრძანების ასლი გაეგზავნოს შპს „გუმს“;
3. ბრძანება ძალაში შევიდეს შპს „გუმის“ მიერ ამ ბრძანების გაცნობისთანავე;
4. ბრძანების გაცემიდან 5 დღის ვადაში აღნიშნული ბრძანება განთავსდეს სამინისტროს ოფიციალურ ვებგვერდზე;
5. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N66), მხარის მიერ მისი ოფიციალური წესით გაცნობის დღიდან ერთი თვის ვადაში.

ოთარ შამუგია

მინისტრი